



Komisija za Statut i akte

Broj: 04-GV-05-1208/19

Datum, 21.11.2019. godine

ZAPISNIK O RADU 55. SJEDNICE KOMISIJE ZA STATUT I AKTE GRADSKOG VIJEĆA GRADA SARAJEVA održane 21.11.2019. godine

Prisutni:

1. mr. Izmir Hadžić, predsjedavajući
2. Bajro Biber, član
3. Uk Nihad, član
4. Gušo Adnan, član
5. Drago Jurić, član

Odsutni: Omer Jakupović, član (najavljeno odsustvo), Toni Vukadin, zamjenik Predsjedavajućeg, Sanela Holjan, članica, Emir Zlatar, član

Sjednici prisustvovao Safet Krajišnik, sekretar Gradskog vijeća Grada Sarajeva.

Sjednici prisustvovala iz Gradske službe za Gradsko vijeće:

- Zinaida Beširević, šef Odsjeka za stručne poslove

Po ovlaštenju Gradonačelnika sjednici prisustvovali:

- Maja Hadžihalilović, rukovodilac Stručne službe Gradonačelnika
- Arijana Musić, ispred Gradske službe za urbano planiranje, investicije, stambene i komunalne poslove

Sjednici ispred Predlagača, također prisustvovali i

- Merima Arifhodžić, ispred Gradske službe za urbano planiranje, investicije, stambene i komunalne poslove
- Tarik Zečić, ispred Gradske službe za urbano planiranje, investicije, stambene i komunalne poslove
- Nerim Šišić, ispred Gradske službe za urbano planiranje, investicije, stambene i komunalne poslove

Sjednici je prisustvovao i Sanjin Smajlović, pravobranilac Grada Sarajeva.

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 54. sjednice Komisije za Statut i akte Gradskog vijeća Grada Sarajeva održane 16.10.2019. godine.

Poslije sažetka Predsjedavajućeg, jednoglasno je usvojen sljedeći **dnevni red**:

1. Mišljenje o Prijedlogu Odluke o spomenicima od značaja za Grad Sarajevo
2. Mišljenje o Prijedlogu Odluke o ustupanju korištenja prostora u upravnoj zgradi DPO-a na Parlament Federacije Bosne i Hercegovine
3. Mišljenje o Prijedlogu Odluke o Ključu Grada Sarajeva, Svečanoj lenti i Ordenu Grada Sarajeva
4. Mišljenje o Prijedlogu Programa podizanja spomenika od značaja za Grad Sarajevo za 2020. godinu
5. Mišljenje o Nacrtu Odluke o podizanju Spomen-obilježja "HVO Sarajevo"
6. Javna rasprava o Nacrtu Programa rada Gradskog vijeća Grada Sarajeva za 2020. godinu
7. Tekuća pitanja

TAČKA 1.

Mišljenje o Prijedlogu Odluke o spomenicima od značaja za Grad Sarajevo

Uvodno izlaganje podnio je predstavnik Predlagača, te naglasio da se u članu 27. predložene Odluke potkrala tehnička greška.

Poslije uvodnog izlaganja i rasprave, na prijedlog Predsjedavajućeg, Komisija za Statut i akte jednoglasno je usvojila sljedeće **zaključke**:

1. Komisija za Statut i akte je razmotrila predloženi akt i prihvatila prijedlog predstavnika Predlagača da se u Prijedlogu Odluke u članu 27. briše stav (3), obzirom da se radi o tehničkoj greški.
2. Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom, te sugeriše Gradskom vijeću Grada Sarajeva da razmatra *Odluku o spomenicima od značaja za Grad Sarajevo*, u formi i po postupku kako je predložena, uz uvažavanje prethodnog zaključka.

TAČKA 2.

Mišljenje o Prijedlogu Odluke o ustupanju korištenja prostora u upravnoj zgradi DPO-a na Parlament Federacije Bosne i Hercegovine

Pravobranilac Grada Sarajevo je dao uvodno izlaganje.

Nihad Uk, član Komisije, zatražio je pojašnjenje, da li se zgrada koja je data na korištenje Gradu Sarajevu može dati na korištenje Parlamentu Federacije BiH, bez saglasnosti Kantona Sarajevo, o čemu se vodila rasprava.

Izmir Hadžiavdić, predsjedavajući Komisije, je predložio da Komisija za Statut i akte zaduži Gradonačelnika i Gradsko vijeće, da razmotre potrebu pribavljanja saglasnosti od Kantona Sarajevo.

Dodatna pojašnjenja i odgovore dali su Sanjin Smajlović, pravobranilac Grada Sarajevo i Maja Hadžihalilović, rukovodilac Stručne službe Gradonačelnika.

Sanjin Smajlović, pravobranilac Grada Sarajevo je istakao da saglasnost Kantona Sarajevo nije potrebna, obzirom da Grad Sarajevo ustupa samo korištenje odnosno faktički posjed u zgradi DPO-a, Parlamentu Federacije Bosne i Hercegovine.

Poslije uvodnih napomena i rasprave, na prijedlog Predsjedavajućeg, Komisija za Statut i akte jednoglasno je usvojila sljedeći **zaključak**:

Komisija za Statut i akte konstatuje da je potrebno odložiti razmatranje predloženog akta za narednu sjednicu Komisije, a koja će se održati prije 33. sjednice Gradskog vijeća Grada Sarajeva.

TAČKA 3.

Mišljenje o Prijedlogu Odluke o Ključu Grada Sarajeva, Svečanoj lenti i Ordenu Grada Sarajeva

Uvodno izlaganje i obrazloženja dao je Safet Krajišnik, sekretar Gradskog vijeća.

Poslije uvodnih napomena, na prijedlog Predsjedavajućeg, Komisija za Statut i akte jednoglasno je usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o Ključu Grada Sarajeva, Svečanoj lenti i Ordenu Grada Sarajeva*, u formi i po postupku kako je predložena.

TAČKA 4.

Mišljenje o Prijedlogu Programa podizanja spomenika od značaja za Grad Sarajevo za 2020. godinu

Predstavnik Predlagača podnio je uvodno izlaganje.

Poslije uvodnih napomena, na prijedlog Predsjedavajućeg, Komisija za Statut i akte jednoglasno je usvojila sljedeći **zaključak**:

Komisija za Statut i akte konstatuje da je predloženi akt podnesen od strane ovlaštenog predlagača, po propisanoj proceduri, predložen u propisanoj formi i osnovan u Statutu Grada Sarajeva i gradskom propisu, da je predložen u skladu s Poslovníkom Gradskog vijeća Grada Sarajeva, te sugeriše Gradskom vijeću Grada Sarajeva da razmatra *Programa podizanja spomenika od značaja za Grad Sarajevo za 2020. godinu*, kako je podnesen.

TAČKA 5.

Mišljenje o Nacrtu Odluke o podizanju Spomen-obilježja "HVO Sarajevo"

Predstavnik Predlagača podnio je uvodno izlaganje.

Poslije uvodnih napomena, te sažetka Predsjedavajućeg, Komisija za Statut i akte jednoglasno je usvojila sljedeći **zaključak**:

Komisija za Statut i akte konstatuje da je utvrđeni nacrt akta dostavljen od strane ovlaštenog predlagača, po propisanoj proceduri, predložen u propisanoj formi i osnovan u Statutu Grada Sarajeva, predložen u skladu s Poslovníkom Gradskog vijeća Grada Sarajeva, te sugeriše Gradskom vijeću Grada Sarajeva da razmatra *Nacrt Odluke o podizanju Spomen-obilježja "HVO Sarajevo"*, kako je utvrđen i uputi ga u javnu raspravu.

TAČKA 6.

Javna rasprava o Nacrtu Programa rada Gradskog vijeća Grada Sarajeva za 2020. godinu

Uvodno izlaganje podnijela je Zinaida Beširević, šef Odsjeka za stručne poslove u Gradskoj službi za Gradsko vijeće.

Poslije uvodnih napomena, te sažetka Predsjedavajućeg, Komisija za Statut i akte jednoglasno je usvojila sljedeći **zaključak**:

Komisija za Statut i akte je razmotrila Nacrt Programa rada Gradskog vijeća Grada Sarajeva za 2020. godinu, te konstatuje da nema prijedloga, primjedbi niti sugestija na isti.

TAČKA 7.

Tekuća pitanja

Na prijedlog Predsjedavajućeg, Komisija za Statut i akte jednoglasno je usvojila sljedeći **zaključak**:

56. sjednica Komisije za Statut i akte, održat će se u **utorak 26.11.2019. godine s početkom u 11.00 sati**, o čemu će članovi Komisije biti obaviješteni.

ZAPISNICAR

Zinaida Beširević

PREDSJEDAVAJUĆI KOMISIJE

mr. Izmir Hadžavdić, s.r.